



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

CXXXVI. Indultum ut Fratres Missionarii Galli Ordinis Minorum Sancti
Francisci Capuccinorum, Missam ac Officium S. Ludovici Regis recitare
possint in Festo ejusdem Sancti die.

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

1734.

nalibus Cybo nuncupati, dicti Ordinis apud Nos & Sedem Apostolicam Protectoris, praefatis Cardinalibus, qui etiam dictum Jacobum Ministrum Generalem audiverunt, facta eidem Jacobo & pro tempore existenti Ministro Generali Ordinis hujusmodi facultatem privative quoad omnes alios conferendi Doctoratus seu Magisterii lauream Fratibus in dicto Ordine professis, qui antea Philosophiam per tres, & super omnibus libris Sententiarum sacram Theologiam per alios quatuor annos laudabiliter legerint & docuerint, ac duabus saltem publicis Conclusionibus praefederint, & subinde ab eodem Ministro Generali, Procuratore Generali, vel, isto absente, ab uno per eum deputando, qui praeditus sit qualitatibus in ceteris Examinatoribus, ut infra, requisitis, necnon tribus aliis ejusdem Ordinis in eadem Sacra Theologia versatoribus, quique per septennium laudabiliter legerint, in Capitulis Generalibus vel Provincialibus dumtaxat, nec non alibi examinati, & aliis, vel saltem a quatuor eorum per secreta & jurata vota tamquam idonei, & laurea digni, approbati fuerint, itaut si secus aliqua in parte fieri contigerit, Minister Generalis privationis officii, ceteri vero examinatores privationis vocis activae & passivae ab officiorum, si qua habuerint, & lauteati nullitatis collatae laurea, poenaeque respectivae ipso facto incurrant, auctoritate Apostolica tenore praesentium concedimus & indulgemus: salva tamen semper in praemissis auctoritate Congregationis praedictorum Cardinalium.

Decernentes, easdem praesentes literas semper firmas, validas & efficaces existere & fore suosque plenarios & integros effectus sortiri & obtinere; ac illis, ad quos spectat, & pro tempore quodcumque spectabit, in omnibus & per omnia plenissime suffragari, & ab illis respective inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & diffiniri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Non obstantibus praemissis, ac Constitutionibus & Ordinationibus Apostolicis, necnon dicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac de verbo ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Volumus autem, ut earundem praesentium literarum transumptis seu exemplis, etiam impressis, manu alicujus Notarii publici subscriptis, & sigillo personae in Ecclesiastica Dignitate constitutae munitis, eadem prorsus fides ubique habeatur, quae praesentibus ipsis haberetur, si forent exhibitae vel ostensa.

Datum Romae apud S. Mariam Majorem sub Annulo Piscatoris die 17. Maji 1692. Pontificatus Nostri Anno Primo.

J. F. Card. Albanus.

§. 2. Cum autem, sicut dilectus filius modernus Minister Generalis Ordinis hujusmodi Nobis nuper exponi fecit, in hoc Tertio Ordine post triennium Capituli generalis Congregatio generalis, etiam Capitulum generale intermedium nuncupatur (idest inter unum & aliud Capitulum generale) celebrari soleat, dubitatum fuit, an in praedicta Congregatione generali dictus Mi-

nister Generalis super expressam facultatem exercere posset, propositoque dubio 1716. & 1722. in Congregatione tunc existentium ejusdem S. R. E. Cardinalium, negotiis & consultationibus Episcoporum & Regularium praeposita, dicta Congregatio, quamvis tunc existens Procurator Generalis rationes pro praedicta affirmativa produxisset, ad dubii resolutionem devenire noluit, sed tam die 16. mensis Februarii ejusdem anni 1716. quam die 24. mensis Aprilis dicti anni 1722. Ministro Generali tunc pariter existenti memorati Ordinis indulget, ut in illa particulari Congregatione facultate hujusmodi uti posset; nunc autem cum in proxima ventura Pentecoste Congregatio generalis celebranda sit, & in eodem Ordine nonnulli Religiosi necessariis requisitis pro obtinenda Laurea Magistrali praediti reperiantur, qui aliter ad effectum illam consequendi triennium fere expectare cogentur; ac proinde dictus Minister Generalis opportune sibi in praemissis a Nobis provideri, & ut infra, indulgeri plurimum desideret; Nos ipsum Ministrum Generalem specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine quavis occasione vel causa laetis, si quibus quomodolibet innodatus existit, ad effectum praesentium dumtaxat consequendum, harum serie absolventes & absolutum fore censentes, supplicationibus, ejus nomine Nobis super hoc humiliter porrectis, inclinati, de Venerabilium Fratrum Nostrorum dictae S. R. E. Cardinalium, eisdem negotiis & consultationibus Episcoporum & Regularium praepositorum, consilio, praesertim Innocentii praedecessoris Literas, itaut in eis etiam Capitula Generalia intermedia, seu Congregationes generales comprehendantur, auctoritate Apostolica tenore praesentium declaramus: salva tamen semper in praemissis auctoritate Congregationis eorumdem Cardinalium.

§. 3. Decernentes, easdem praesentes literas semper firmas, validas & efficaces existere & fore, suosque plenarios & integros effectus sortiri & obtinere; ac illis, ad quos spectat, & pro tempore quodcumque spectabit, in omnibus & per omnia plenissime suffragari, & ab eis respective inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & diffiniri debere; ac irritum & inane, quidquid secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, ac iis omnibus & singulis, quae in praesentibus Innocentii praedecessoris literis concessa sunt non obtare, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 12. Maji 1734. Pontificatus Nostri Anno Quarto.

F. Card. Oliverius.

Indultum ut Fratres Missionarii Galli Ordinis Minorum Sancti Francisci Capuccinorum, Missam ac Officium Sancti Ludovici Regis recitare possint in Festo ejusdem Sancti die.

C L E M E N S P A P A X I I .

Ad futuram rei memoriam.

§. 1. Nuper ad enixas dilecti filii Cherubini de Noves Fratris expresse Professi Ord.

Minorum

Dicta facultas extenditur ad Congreg. Generales & Capitula intermedia.

Clausula.

CXXXVI.

Dat. die 8. Maji 1734. Pont. An. IV.

Minorum S. Francisci Capuccinorum nuncupatum, ac dilectorum filiorum Fratrum Gallorum Missionariorum dicti Ordinis in partibus Infidelium in Romana Curia Procuratoris instantias emanavit a Congregatione Venerabilium Fratrum nostrorum S. R. E. Cardinalium Sacris Ritibus prepositorum decretum tenoris, qui sequitur, videlicet:

Decretum S. Congregationis Rituum.

§. 2. Ordinis Capuccinorum Missionariorum remissis à Sacra Congregatione de Propaganda Fide ad Sac. Rituum Congregationem enixis Patrum Ordinis Capuccinorum Missionariorum instantiis per P. Fratrem Cherubinum de Noves, dicti Ordinis, ac supradictorum Patrum in Romana Curia Procuratorem jam exhibitis, illisque relatis, Sacra eadem Rituum Congregatio posse concedi censuit, ut Patres Capuccini Galli Missionarii in partibus Infidelium existentes Officium S. Ludovici Regis, quod in dicto Ordine sub ritu duplici majori peragitur, sub ritu primæ classis in Festo ipsius Sancti impostorum recitare, & Missam respectivè celebrare possint & valeant. Die 10. Aprilis 1734. -- A. F. Card. Zondadari Pro-Pref. - N. M. Tedeschi Archiep. Apamen. S. R. C. Secret. - L. † S.

Confirmatur cum concessione &c.

§. 3. Cum autem, sicut pro parte dicti Cherubini Nobis subinde expolitum fuit, ipse Decretum hujusmodi, quo firmius subsistat, Apostolicæ confirmationis nostræ patrocinio communiti summopere desideret. Nos specialem ipsi Cherubino gratiam facere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium tantum consequendum, harum serie absolventes & absolutum fore censentes, supplicationibus ejus nomine Nobis super hoc humiliter porrectis inclinati, decretum præinsertum auctoritate Apostolica tenore præsentium approbamus & confirmamus, illique inviolabilis Apostolicæ firmitatis robur adjicimus: salva tamen semper in præmissis auctoritate memoratæ Congregationis Cardinalium.

Clausulæ.

§. 4. Decernentes, easdem præsentis literas firmas, validas & efficaces existere & fore, suosque plenarios & integros effectus fortiri & obtinere; ac illis, ad quos spectat, & pro tempore spectabit, plenissime suffragari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 5. Non obstantibus Constitutionibus & Ordinationibus Apostolicis, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 8. Maji 1734. Pontificatus Nostri Anno Quarto.

F. Card. Oliverius.

CXXXVII.

Ministro Generali Ordinis Prædicatorum facultas conceditur proponendi Congregationibus S. Sabinæ Provinciæ Lombardiæ, ac S. Marci Romæ tres Religiosos, e quibus Vicarium Generalem, quem maluerint, debeant eligere.

Dat. die 15. Maji 1734. Pont. An. IV.

C L E M E N S P A P A X I I .

Ad futuram rei memoriam.

§. 1. **E**Xponi Nobis nuper fecerunt dilecti filii Fratres Congregationum S. Sabinæ utriusque Lombardiæ, & S. Marci nuncupatorum

Romæ, respectivè Provinciarum, quod licet in literis se. re. Innocentii PP. XII. Prædecessoris Nostri super erectione ambarum Congregationum præfatarum, die 14. Junii 1695, editis, habeatur utrique Congregationi de idoneo Vicario Generali a Magistro itidem Generali ejusdem Ordinis providendum fore; minime tamen ordinatum fuit istiusmodi provisionem fieri debere de Religiosis ipsi Magistro Generali per dictas Congregationes nominandis seu proponendis, quod valde expediret salubri directioni earundem Congregationum, quarum Fratribus cum probe innotescant Religiosi præ aliis vitæ integritate, literarum scientia, ac rerum agendarum usu & prudentia præstantes, arque habiles & idonei ad regularem observantiam tuendam & promovendam, exinde longe facilius certiorque dicto Magistro Generali redderetur delectus Vicarii Generalis præfati, quàm ex simplici relatione, aut testimoniis aliunde conquisitis; quemadmodum in antiqua Congregatione Lombardiæ ipsius Ordinis, dum illa olim vigeat, factum fuisse memoratur, cui quidem cum in ejus primordio Vicarius Generalis libere ab eodem Magistro Generali præficeretur, ac subinde comperit fuisse pro recto illius gubernio utilis fore, si Vicarius Generalis ejusmodi per dictam Congregationem eligeretur, Apostolica auctoritate cautum fuit, ut Vicarius Generalis præfatus a Fratribus ipsius Congregationis postularetur, & a Magistro Generali prædicto confirmaretur; ac postulationi quidem per Priores Conventuum cum sociis, Magistros in Theologia, & alios Fratres, qui aliquando fuissent Vicarii Generales: confirmatio vero hujusmodi infra octo dies, a præsentatione postulationis numerandos, fierent, alioquin postulatio dicta auctoritate Apostolica confirmata censetur, hæcque forma instituendi Vicarium Generalem in præfata antiqua Congregatione Lombardiæ postmodum servata fuit, donec in Provinciam erecta est.

Causæ concedende facultatis.

Concessio.

§. 2. Cum autem, sicut eadem expositio subjungebat, jam per alias nostras in simili forma Brevis, die 28. mensis Julii proxime præteriti expeditas literas, supradictis S. Sabinæ, & Sancti Marci, cæterisque Ordinis præfati Congregationibus, sex saltem Conventus formales habentibus, indulserimus, ut in earum Dietis Definitor & Socius ad Capitulum Generale mittendi eligi possent, ipsi Exponentes dictis duabus Congregationibus tres earum Religiosos idoneos ad Vicariatum Generalem præfatum memorato Magistro Generali, qui unum ex eis sibi beneficium deputare teneatur, nominandi seu proponendi facultatem impertiri plurimum desideret, itaut nominatio fiat in prædictis Dietis a pro tempore existentibus Vicario Generali, Prioribus Conventuum, & ex Vicariis Generalibus, quo pacto eisdem Congregationibus salubrius consultum erit, earumque immediata subiectio dicto Magistro Generali retinebitur, ac persistet arctius, quàm in præfata antiqua Congregatione Lombardiæ, utpote quæ unicum Religiosum ab ipso Magistro Generali confirmandum postulabat, ubi istæ tres Religiosos proponent, e quibus ei unum, quem maluerit, in Vicarium Generalem præficiendi libera erit potestas; Nobis propterea humiliter supplicari fecerunt, quatenus in præmissis opportune providere, & ut infra, indulgere de benignitate Apostolica dignemur. Nos igitur ad ea, quæ felici prosperoque utriusque Congregationis præfate regimini ac progressui conducibilia sunt, libenter intendentes, dictosque Exponentes specialibus favoribus & gratiis prosequi volentes, & eorum singulares personas a quibusvis excommunicationis,

suspen-